

Ժողովուրդ

50
(2716)

6 ապրիլի հինգշաբթի 2023
տպագրության ԺԲ տարի

Թ. Երեւան, Արուսյան 22ա/3 (0010)

+ 374 10 546423

info.armlur@gmail.com, info.zhoghovurd@gmail.com

100 դրամ

ՆԻԿՈՒՆ ՓԱՇԻՆՅԱՆԸ ԽԱԲԵԼ Է ՄԱՍ 171



Մարտի 30-ին կառավարության հերթական նիստում ՀՀ վարչապետ Նիկոլ Փաշինյանը խոսեց Լաչինի միջանցքում տեղի ունեցած գործընթացներից եւ հայտարարեց, որ դիրքային որեւէ փոփոխություն տեղի չի ունեցել: «Հայկական դիրքերի որեւէ փոփոխություն այս ամենի արդյունքում տեղի չի ունեցել՝ այն տարբերությամբ, որ մենք մտադիր ենք խնդրոք անարկա հատվածի պահպանությունը, ի տարբերություն Նախկինի, իրականացնել սահմանապահ գործերի միջոցով»,- հայտարարել էր Փաշինյանը: Փաշինյանի այս հայտարարությունից ժամեր անց Ազգային անվտանգության ծառայությունը հաղորդագրություն տարածեց, որով, ըստ էության, հերքեց Փաշինյանին: Մասնավորապես, հայտարարության մեջ դրույթ կար, որ սահմանի որոշ տեղերում ադրբեջանական կողմը, չսպասելով Նախապես պայմանավորված ճշգրտումներին, սկսել է դիրքավորվել եւ իրականացնել ինժեներական աշխատանքներ: ԱԱԾ-ն Նշել է, որ, հայկական կողմի հաշվարկներով, հինգ այդպիսի կետ կա, որտեղ ադրբեջանական կողմը սահմանից 100-300 մետր ավելի առաջ է տեղակայվել: Ստացվում է, որ ԱԱԾ-ն, այնուամենայնիվ, խոսեց դիրքային փոփոխության մասին, ինչը Նիկոլ Փաշինյանը փորձում էր հերքել: Այսպիսով, Նիկոլ Փաշինյանն էլի խաբել է:

«Ժողովուրդ» օրաթերթի տեղեկությունների համաձայն՝ շուրջ 6 ամիս կալանքի տակ գտնվող դատավոր Արուսյակ Ալեքսանյանի մասով դիմում կուղարկվի Մարդու իրավունքների եվրոպական դատարան: «Ժողովուրդ» օրաթերթի հետ զրույցում մեր ունեցած այս տեղեկությունը հաստատեց նրա պաշտպան Յուրի Սարգսյանը՝ հավելելով, որ անձեռնմխելիությունից զրկելու եւ խափանման միջոց կալանքի հարցերով է դիմում ներկայացվելու ՄԻԵԴ: Նշենք, որ ԱԱԾ-ն դատավորին մեղադրում է անկհայտ անարդար դատական ակտ կայացնելու եւ պաշտոնական լիազորություններն անցնելու համար: Նշենք, որ Արուսյակ Ալեքսանյանն իրեն առաջադրված մեղադրանքը չի ընդունում: Հիշեցնենք, որ դատավոր Ալեքսանյանը մամուլի ուշադրության կենտրոնում ամռանն էր հայտնվել, երբ կալանավորել էր գործի քննության հենց առաջին նիստին հանկարծամահ եղած պրոդյուսեր, իշխանության քննադատ Արմեն Գրիգորյանին:



ՀՀ իշխանությունները երեկ ամբողջ օրը որեւէ կերպ չեն անդրադարձել ադրբեջանցիների կողմից դրսևորված նոր սանձարձակ ու սադրիչ քայլերին: Մասնավորապես, երեկ 27 քաղաքացիական անձինք ռուսական խաղաղապահների ուղեկցությամբ Գորիս քաղաքից ուղևորվում էին Ստեփանակերտ, սակայն Գորիս-Ստեփանակերտ ճանապարհի արգելափակված հատվածում ադրբեջանցիները արգելափակել էին քաղաքացիական անձանց տեղափոխող մեքենաները: Ընդ որում, Արցախի պաշտոնյաների հավաստմամբ, ադրբեջանցիները ներխուժել են մեքենաներից մեկը, որի հետևանքով քաղաքացիական անձանցից 4-ի ինքնազգացողությունը վատացել է, նրանցից 3-ը ուշաթափվել են: Չնայած տեղի ունեցածին՝ Հայաստանի իշխանությունների կողմից որեւէ հայտարարություն չկա: Նախորդ անգամներում այսպիսի դեպքերում գոնե հայտարարություն էր տարածում ՀՀ արտաքին գործերի նախարարությունը, սակայն այս անգամ նրանք էլ են լուռ: Նույնիսկ ԹԳ-ի կողմից առաջադրված ՄԻԴ-ի թեկնածուն է լուռ: Այս ամենին զուգահեռ՝ վերջին օրերին ԹԳ-ն շոուներ է կազմակերպում ԱԺ-ում, որոնք արվում են հենց Նիկոլ Փաշինյանի հրամանով եւ նպատակ ունեն շեղել հանրության ուշադրությունը նոր գործընթացներից, որոնք սպառնում են Հայաստանին եւ Արցախին:



«Ժողովուրդ» օրաթերթի տեղեկություններով՝ մի շարք փաստաբաններ, որոնց վարույթում առկա են խուլիգանության հիմքով դատարաններում կամ նախաքննական մարմիններում առկա գործեր, բարձրացնելու են վերոնշյալ գործերի կարճատև հարցը: Ի՞նչն է փաստաբանների այս գործընթացի հիմքը: Բանն այն է, որ փաստաբանները պատրաստվում են դատարաններում եւ նախաքննական մարմիններում օրինակ բերել մարտի 4-ին Ազգային ժողովում ԹԳ-ական պատգամավորների վարքը ու, մասնավորապես, պատգամավոր Արթուր Յուրիանի հնչեցրած սպառնալից արտահայտություններն ու վիրավորանքները, ինչին իրավապահների կողմից մինչ օրս ընթացք չի տրվել: Փաստաբանները պահանջելու են կամ իրենց պաշտպանյալների մասով քրեական վարույթը կարճել, կամ ընտրովի արդարադատություն չիրականացնել: Հիշեցնենք, որ Ազգային ժողովի մարդու իրավունքների պաշտպանության եւ հանրային հարցերի մշտական հանձնաժողովի նիստը ապրիլի 4-ին անցավ շատ լարված մթնոլորտում, որի հեղինակները Ազգային ժողովի «Քաղաքացիական պայմանագիր» խմբակցության պատգամավորներն էին եւ հատկապես Արթուր Յուրիանի: Խոսքը նույն այն պատգամավորի մասին է, որ 2017 թվականին բերման է ենթարկվել ոստիկանություն՝ թմրամիջոցների ապօրինի շրջանառության հետ կապված ենթադրյալ հանցանք կատարելու կասկածանքով: Ավելին՝ անգամ քրեական գործ է հարուցված եղել, որը հետագայում կարճվել է:



ՀԱՍԿԱՆԱԼԻ ՉԷ

ԱՌՐԲԵՋԱՆԸ ՄԵԿ ՕՐԱԿԱՐԳ ՈՒՆԻ

Ադրբեջանցիները ապրիլի 4-ին հերթական ահաբեկչական քայլն են իրականացրել արցախցիների նկատմամբ:

Լաչինի միջանցքում ադրբեջանցի կեղծ «Էկոակտիվիստները» արգելափակել էին ՌԴ խաղաղապահների մեքենան, որով 27 անձ Գորիսից վերադառնում էր Ստեփանակերտ: Չորս կանանց ինքնազագոցողությունը դրանից վատացել էր, նրանցից 3-ը ուշագնաց էին եղել: «Ժողովուրդ» օրաթերթը միջադեպի վերաբերյալ գրուցել է Աժ «Արդարություն» կուսակցության պատգամավոր Մետաքսե Հակոբյանի հետ:

-Տիկին Հակոբյան, ի՞նչ մանրամասներ կատարեք միջադեպից:

-Արցախի կանանց (որոնք ռուս խաղաղապահների ուղեկցությամբ տեղափոխվում էին) ադրբեջանցիները կանգնեցնում են ու թույլ չեն տալիս շարունակել ճանապարհը: Կանանցից մի քանիսի ինքնազագոցողությունը վատացել է, ադրբեջանցիներն էլ թույլ չեն տվել, բացի իրենց շտապօգնության մեքենայից, մեկ այլ օգնություն: Ռուսական կողմը դա ընդունել է, որպեսզի այդ կանանց կարողանան արագ բժշկական կենտրոն տեղափոխվել:

-Այսինքն՝ կանանց ադրբեջանական շտապօգնության մեքենայով են տեղափոխել հիվանդանոց:

-Այո. մի մասին հետ են ուղարկել, իսկ այն 4 կանանց, որոնց ինքնազագոցողությունը վատացել էր, իրենց շտապօգնության մեքենաներով են տեղափոխել Ստեփանակերտի հիվանդանոց: Այսինքն՝ թշնամին հստակ իր օրակարգով է շարժվում: Եթե ուշադիր լինենք, երեկ էլ Բայրամլիը հայտարարեց, որ հաստատական են իրենց որոշման մեջ. պետք է լինի ինտեգրում, համակցություն, եւ իրենք ամեն ինչ անելու են դրա համար:

Վերջին միջադեպն էլ հենց դրա ապացույցն էր: Երբ որոշ ժամանակ առաջ նման միջադեպ եղավ արցախի երեխաների հետ, այն ժամանակ իրենք այլ քաղաքականություն էին վարում, իրենց պահանջն իբրեւ թե բնապահական էր, բայց հիմա որեւէ մեկը չի հիշում այդ բնապահական պահանջի մասին, հիմա պահանջն արդեն հստակ քաղա-



քական է, ինչի մասին մենք վաղուց ասում էինք: Ցավոք սրտի, ինչպես միշտ, թե՛ Հայաստանի իշխանությունները, թե՛ Արցախի իշխանությունները մտան այդ օրակարգի մեջ եւ գնացին իբրեւ թե հումանիտար խնդիրներ լուծելու ճանապարհով, բայց դրանով ամեն ինչ փակուղի մտցրին: Բոլորն էլ հստակ գիտեն, որ Ադրբեջանը միայն մեկ օրակարգ ունի. դա համակցությունն է. ես ինտեգրում բառը չեմ էլ ուզում օգտագործել, քանի որ ադրբեջանցիների քայլերը որեւէ կերպ չեն տեղավորվում ինտեգրման գաղափարում, այլ տանում են արցախցիների ոչնչացման:

-Տիկին Հակոբյան, երեկ Արցախի պետնախարար Գուրգեն Ներսիսյանն իր ֆեյսբուքյան էջում գրել էր, որ Արցա-

խից Հայաստան հնարավոր կլինի մեկնել միայն խիստ անհրաժեշտության դեպքում: Նա նշել է, որ տեղափոխումը հնարավոր կլինի միայն ՌԴ խաղաղապահների միջոցով: Իրավիճակն իսկապես այդ աստիճան ծայրահեղ է:

-Ինձ համար անհասկանալի չէր այդ հայտարարության իմաստը: Ստացվում է այնպես, որ մենք 4 ամիս շրջափակման մեջ չէինք, կարողանում էինք տեղաշարժվել, բայց հիմա հնարավոր էր: Արդեն 4 ամիս է՝ որեւէ բնակիչ, եթե նա իշխանական նեղ շրջանակից չէ, չի կարող տեղաշարժվել: Մենք 4 ամիս շրջափակման մեջ ենք եղել եւ շարունակում ենք մնալ, իսկ թե ինչ էր ուզում ասել պետնախարարը, հասկանալի չէր:

Ջրուցեց ԲՐԻՍՄԻԱ ՄՈՒՇԵՂՅԱՆԸ



ԳԻՄԵԼ ԵՆ ԿԱՌՈՒՅՑՆԵՐԻ



Ադրբեջանցիները ապրիլի 4-ին հերթական ահաբեկչական քայլն են իրականացրել արցախցիների նկատմամբ՝ նարգելափակելով ՌԴ խաղաղապահների մեքենան, որով 27 արցախցիներ Գորիսից վերադառնում էին Ստեփանակերտ: Արցախի չորս կանանց ինքնազագոցողությունը դրանից վատացել էր, նրանցից 3-ը ուշագնաց էին եղել:

Մինչ այս պահը որեւէ երկիր կամ միջազգային կառույց չի արձագանքել ադրբեջանի հերթական հայատյաց քայլին:

«Ժողովուրդ» օրաթերթի հետ զրույցում Արցախի ՄԻՊ Գեղամ Ստեփանյանն ասաց, որ միջադեպի մասով դիմել է միջազգային տարբեր կառույցների, փաստեր է ներկայացրել, սակայն դեռեւս արձագանք չկա:

«Անընդհատ էլ դիմում ենք միջազգային տարբեր կազմակերպություններին՝ ոչ միայն երեկվա միջադեպի հետ կապված: Ինչ սկսվել է շրջափակումը, շուրջ տարբեր գեկույց են հրապարակել, որոնք անմիջապես ուղարկվել են միջազգային կազմակերպություն: Ցանկացած տեղեկություն, որը հրապարակվում է նաեւ սոցիալական կայքերում, հրապարակվում է մեր պաշտոնական էջում, հատուկ տեղեկագրի տեսքով ուղարկվում է միջազգային կազմակերպություններին:

Կոնկրետ երեկվա միջադեպի հետ կապված ես դիմումներ ուղարկել եմ:

Այս պահի դրությամբ կոնկրետ միջադեպի մասնակիցներից շարունակում ենք ստանալ փաստեր, տեղեկություններ, որոնք ամփոփվելուց հետո տեղեկանքի տեսքով, արդեն մարդկանց վկայություններով, թե ինչ զգացողություններ են եղել, ինչպես է մեքենան կանգնեցվել, ինչպես են ադրբեջանցիները մուտք գործել, ինչպես է մեքենան կանգնեցվել, հավաքագրվել են եւ նկարներով, տեսանյութերով ուղարկվել են միջազգային կազմակերպություններին, բայց դեռ արձագանք», - ասաց նա: Իսկ թե ինչով է պայմանավորում կոնկրետ վերջին միջադեպի հետ կապված քար լուրջությունը, Գեղամ Ստեփանյանն ասում է.

«Ջեկույցները մինչեւ տեղ են հասնում, մինչեւ ծանոթանում են կայքերին, ժամանակ է այս ամենը պահանջում»:

Ստացվում է՝ միջազգային հանրության անտարբերության եւ քար լուրջության պայմաններում Արցախի շուրջ 120 հազար բնակիչ գրեթե ամեն օր ֆիզիկական եւ հոգեբանական ճնշումների է ենթարկվում բռնատիրական Ադրբեջանի կողմից:

Գրեթե ամեն օր մարդու իրավունքների եւ ժողովրդավարության մասին աղաղակող երկրները եւ միջազգային կազմակերպությունները շարունակում են լռել Ադրբեջանի անմարդկային արարքների մասին:

ՅԵՐՔԵԼ Է

ԽԻՍՏ ԱՆՐԱԺԵՇՏՈՒԹՅԱՆ ԳԵՂՔՈՒՄ

Արցախի Հանրապետության ղեկավար Գուրգեն Ներսիսյանը հերքել է սարածվող լուրերը, թե ՌԴ խաղաղապահները սահմանում են Արցախի բնակչությանը կամ մեծ թվով ֆաղափացիների են Արցախից Հայաստան տեղափոխում: Ներսիսյանը նաեւ հայտնել է, որ այսուհետ Արցախից Հայաստան մեկնելը հնարավոր կլինի խիստ անհրաժեշտության դեպքում:

Գուրգեն Ներսիսյանն այդ մասին գրառում է արել սոցցանցի իր էջում:

«Այսուհետ Արցախից Հայաստան հնարավոր կլինի մեկնել խիստ անհրաժեշտության դեպքում՝ բացառապես ռուսական խաղաղապահ զորախմբի հետ համագործակցության ապահովման կենտրոնին նախապես դիմելու եղանակով եւ կենտրոնի թույլտվությամբ:

Արցախը Հայաստանին կապող ճանապարհը Ադրբեջանի կողմից արգելափա-

կելուց հետո տեւական ժամանակ արցախցիները զրկված էին ամենատարբեր կարիքների համար Արցախից Հայաստան մեկնելու հնարավորությունից:

Հաշվի առնելով մարդկանց կյանքում անընդհատ ծագող խնդիրները /ՀՀ-ում հարազատի մահ, հուղարկավորություն, կիսված ընտանիքների՝ ՀՀ-ում գտնվող ընտանիքի անդամի ծանր հիվանդություն, վիրահատություն եւ այլն/ եւ լարվածության աճը՝ վերջին օրերին ռուս խաղաղապահները որոշակի պարբերականությամբ սկսել են Արցախից Հայաստան տեղափոխել նման խնդիրների առաջ կանգնած քաղաքացիների:

Վերոնշյալ գործընթացը վերահսկողության տակ պահելու եւ ճանապարհի արգելափակված հատվածում մեր քաղաքացիներին հնարավոր ադրբեջանական սադրանքներից պաշտպանելու նպատակով այսուհետ Արցախից Հայաստան հնարավոր կլինի մեկնել խիստ անհրաժեշտության դեպքում, բնակա-

նաբար, ռուս խաղաղապահների միջոցով՝ բացառապես ռուսական խաղաղապահ զորախմբի հետ համագործակցության ապահովման կենտրոնին նախապես դիմելու եւ կենտրոնի թույլտվությամբ: Ինչ վերաբերում է առողջական խնդիր եւ բժշկական օգնության կարիք ունեցող անձանց, ապա նրանց տեղափոխությունը ՀՀ կկազմակերպվի Կարմիր խաչի միջազգային կոմիտեի արցախյան ներկայացուցչության միջոցով՝ Արցախի առողջապահության նախարարության ցուցմամբ:

Միաժամանակ հայտնում ենք, որ ռուս խաղաղապահների կողմից Արցախի բնակիչներին տարհանելու կամ մեծ թվով արցախցիների՝ Հայաստանի Հանրապետության տեղափոխելու մասին լուրերը իրականությանը չեն համապատասխանում. դրանք ադրբեջանական տեղեկատվական գրոհների հերթական դրսևորումներն են», - գրել է Ներսիսյանը:

ԻՐԱՎԻՃԱԿ

ՆԻՍՏԻՑ ԶԵՏՈ

ԴԻՄԵԼՈՒ ԵՆ ԳԼԽԱՎՈՐ ԴԱՏԱԽԱՋԻՆ

ՆՈՐ ԱՋԱԿՑՈՒԹՅՈՒՆ՝ ՏՈՒԺԱԾՆԵՐԻՆ

2023 թվականի 33 կառավարության պահուստային ֆոնդից Արտակարգ իրավիճակների նախարարությանը կհատկացվի 23 մլն 494 հազար դրամ Թուրքիայի և Սիրիայի երկրաշարժից տուժածներին սնունդ և անկողնային պարագաներ տրամադրելու նպատակով:

Նշենք նաև, որ այս տարվա փետրվարին 33 կառավարության պահուստային ֆոնդից Արտակարգ իրավիճակների նախարարությանը կրկին հատկացվել էր 157 մլն 816 հազար դրամ:

Ավերից երկրաշարժներից հետո Հայաստանի կողմից երկու անգամ Թուրքիա մարդասիրական օգնություն է ուղարկվել: Այն հնարավոր է եղել իրականացնել 1993 թվականից փակված Մարգարայի կամրջով:

«Ժողովուրդ» օրաթերթը գրել էր, որ հայ-թուրքական հարաբերությունների կարգավորմամբ զբաղվող իշխանության անդամները նախորդ տարվա դեկտեմբերին երկու անգամ հանդիպում են ունեցել հենց Մարգարայի կամրջի մոտ, ուսումնասիրել կամրջի վիճակը, անգամ նմուշառում անցկացրել են եկել այն եզրակացության, որ այն պիտանի է:

ԱՐԵՎԱՅԻՆ ՎԱՐԱՆԱԿՆԵՐ

Լիտվական «ՋեյԷսՍի Սոլիդ Թեքստիլ» ընկերությունը արեւային վահանակներ ու այլ սարքավորումներ կհանձնի 33 Գեղարքունիքի, Շիրակի, Եւ Կոտայքի մարզերում գործող ոչ առեւտրային 19 շահառու կազմակերպությունների: ArmLur.am-ը տեղեկացավ որ, նախագծի հիմնավորման համաձայն, այն կնպաստի վերականգնվող էներգիայի ենթակառուցվածքների տարածմանը, ինչպես նաև շրջակա միջավայրի աղտոտման և կլիմայի փոփոխության խնդիրների լուծմանը:

Այս որոշումն ընդունվել է կառավարության վաղվա նիստի ժամանակ: Այս որոշումը պայմանավորված է «Հայկական դպրոցական համայնքներում արեւային կայանների կառուցման և տեղական գործընկերներին արեւային էներգիայի ոլորտում լիտվական փորձի փոխանցման միջոցով շրջակա միջավայրի աղտոտման և կլիմայի փոփոխության խնդիրները լուծելու» ծրագրով:

Ծրագիրը ֆինանսավորում է Լիտվայի շրջակա միջավայրի նախարարության Բնապահպանական նախագծերի կառավարման գործակալությունը, և այն հանդիսանում է Լիտվայի զարգացման համագործակցության ծրագրի մաս:

ՊԱՐԳԵՎԱՏՐՎԵԼ ԵՆ

33 ԱԺ նախագահ Ալեն Սիմոնյանի կողմից Մեքսիկայի Սենատի անդամներ Սեսիլիա Մարգարիտա Սանչես Գարսիան, Ալեխանդրա դել Կարմեն Լեոն Գաստելունը և Ինդիրա Կեմպի Մարտինեսը պարգևատրվել են ԱԺ նախագահի հուշամեդալով:

ArmLur.am-ը տեղեկացավ, որ Մեքսիկայի Սենատի անդամները պարգևատրվել են Հայոց ցեղասպանության միջազգային ճանաչման և դատապարտման գործում ներդրած նշանակալի ավանդի համար:

Ընդդիմադիրները դիմելու են գլխավոր դատախազին՝ ՔՊ-ական դատաւճարներին կողմից երեկ ԱԺ մարդու իրավունքների դաշտամուրթյան և հանրային հարցերի մեծական հանձնաժողովի արտահերթ նիստում հնչեցրած սղառնալիքների հարցով: Այս մասին երեկ՝ մարտի 5-ին, ԱԺ-ում լրագրողների հետ զրույցում ասաց ԱԺ մարդու իրավունքների դաշտամուրթյան և հանրային հարցերի մեծական հանձնաժողովի նախագահ, անկուսակցական Թազուհի Թովմասյանը:

«Երեկվա տեղի ունեցածը պատմական խայտառակություն էր: Ես համարում եմ, որ ՄԻՊ-ի ընտրությունը այդպիսի մթնոլորտում չպետք է անցներ, որովհետև «Քաղաքացիական պայմանագիր» խմբակցության պատգամավորները ակնհայտ ոտնահարեցին մյուս թեկնածուի իրավունքները, խախտեցին ԱԺ պատգամավորի էթիկայի վարքականոսի բոլոր հնարավոր նորմերը և սահմանափակեցին խոսքի ազատությունը:

Առաջին քայլը, որն արվելու է, պետք է գլխավոր դատախազին գրություն ուղարկենք և պահանջենք քրեաիրավական գնահատական: Արթուր Հովհաննիսյանի արարքներում կար հանցակազմ, և նա պետք է պատժվի: Այն սպառնալիքները, որոնք նա անթաքույց հնչեցնում էր պատգամավորների ներկայությամբ թեկնածուի հասցեին, այդ թվում իմ հասցեին, նա պետք է պատժվի»,- նշեց Թովմասյանը:

Նա հայտնեց՝ երկրորդ քայլն այն է, որ ինքը միջազգային իր գործընկերներին այդ հանձնաժողովի նիստի սղագրությունը թարգմանելու և ուղարկելու է, որպեսզի հասկանան, թե ժողովրդավարական Հայաստանում ՄԻՊ-ի պաշտոնում ինչպիսի մթնոլորտում է առաջադրվում իշխանության թեկնածուն, կամ ինչ մթնոլորտում է մերժվում ընդդիմության թեկնածուն: «Միշտ կարելի է մերժել անցանկալի թեկնածուին, բայց դա անել ավելի քաղաքակիրթ մեթոդներ կիրառմամբ: Մենք գործ ունեինք փողոցային վարքագծի դրսևորման հետ: Ես խնդրելու եմ միջազգային իմ գործընկերներին տալ գնահատական և բոլոր հնարավոր գեկույցներում զետեղել, թե ինչպիսին չպետք է լինի պատգամավորը»:

Անդրադառնալով այդ հարցով էթիկայի հանձնաժողովի ձեւավորելուն՝ Թովմասյանը նշեց.



յանը նշեց. «Էթիկայի հանձնաժողովի մասով մենք դեռ քննարկումները շարունակում ենք, որովհետև մի քիչ նպատակահարմարության հարց կա, քանի որ էթիկայի հանձնաժողովի ձեւավորումը արդեն իսկ կախված է ՔՊ-ի քվեարկությունից, այսինքն՝ իրենք կարող են քվեարկել ստեղծել և կարող են չստեղծել: Այդ հանձնաժողովի ձեւավորումից հետո էլի պատիժ չի լինելու: Մենք հակված ենք նաև այդ տարբերակին և մտածում ենք նաև այդ գործիքակազմը կիրառել»:

ունեցած միջադեպին՝ պատգամավորն ասաց. «Մոտ մեկուկես տարի առաջ Ալեն Սիմոնյանի պաշտոնավարման նպատակահարմարության մասով ընդդիմադիր խմբակցությունները դրել են օրինագիծ շրջանառության մեջ, և դակարող է քննարկվել ամեն պահի: ԱԺ նախագահի կողմից ցուցաբերված վարքագիծն անհարիր է բարձրաստիճան պաշտոնյային: Կարելու է, որ պետական պաշտոնյան խիստ զսպվածություն ցուցաբերի անգամ նման ծայրահեղ իրավիճակներում: Նա արդեն պետք է պաշտոնանկ արված լիներ»:

ՕՐՎԱ ԽՃԱՆԿԱՐ

ԺԱՄԱՆԵԼ Է ԼԵՐԱՍՏԱՆ

Ուկրաինայի նախագահ Վլադիմիր Զելենսկին կնոջ հետ պաշտոնական այցով ժամանել է Լեհաստան. այս մասին հայտնել է Ուկրաինայի դեկավարի մամուլի քարտուղար Սերգեյ Նիկիֆորովը:

«Ուկրաինայի նախագահը և առաջին տիկինը սկսել են պաշտոնական այցը Լեհաստան: Վլադիմիր Զելենսկիի այցի ծրագիրը ներառում է, մասնավորապես, բանակցություններ նախագահ Անժեյ Դուդայի, վարչապետ Մատեուշ Մորավեցկիի հետ, երկրորդ փաստաթղթերի ստորագրում»,- երեկ գրել էր սոցիալական ցանցի իր էջում:

Նիկիֆորովը մանրամասնել է, որ ուկրաինալեհական բիզնես ֆորումի շրջանակներում Զելենսկին կհանդիպի լեհական բիզնեսի ներկայացուցիչներին, Սեյմի և Սենատի մարշալների, կամավորների և փրկարարների, ինչպես նաև Ուկրաինային սահմանակից քաղաքների քաղաքացիներին հետ: Երեկոյան Զելենսկին ուղերձով կդիմի լեհերին և Լեհաստանում ապրող ուկրաինացիներին:

ՉՆԵՐԿԱՅԱՑՎԱԾ ՀԱՅՏԱՐԱՐԱԳՐԵՐ

Օրենսդրության համաձայն՝ բոլոր իրավաբանական անձինք, անկախ կազմակերպարարական տեսակից, պետք է յուրաքանչյուր տարի իրավաբանական անձանց պետական ռեզիստորի գործակալություն ներկայացնեն իրական շահառուների վերաբերյալ հայտարարագիր:

Արդարադատության նախարարությունից հայտնում են, որ ուսումնասիրության արդյունքում պարզվել է, որ պետական գրանցում ստացած և չլուծարված 117 կուսակցություններից միայն 7-ն են ներկայացրել իրական շահառուների վերաբերյալ հայտարարագիր:

ՀԱՆԴԻՊՈՒՄ

Երկուսուկես տարի անձանց կրկին զգուշացնում ենք, որ սահմանված պարտականությունը չկատարելու կամ ոչ պատշաճ կատարելու դեպքում իրավաբանական անձինք կարող են ենթարկվել վարչական պատասխանատվության:

Երկուսուկես տարի անձանց կրկին զգուշացնում ենք, որ սահմանված պարտականությունը չկատարելու կամ ոչ պատշաճ կատարելու դեպքում իրավաբանական անձինք կարող են ենթարկվել վարչական պատասխանատվության:

«Հյուրերին ներկայացրել եմ Տնտեսության արդիականացման միջոցառումը և «Գագարին» ներդրումային նախագիծը, որոնց շրջանակներում ես կարող եմ ծավալել արդյունավետ համագործակցություն»,- նշել է նախարարը:

ԱՐՄԱՎԻՐԻ ՄԱՐԶ

ՄՊԱՆՈՒԹՅԱՆ ԳԵՊԵՐԻ ՆԱԽԱՔՆՆՈՒԹՅՈՒՆ

ՀՀ ԲՆՆՅԱԿԱՆ ԿՈՄԻՏԵԻ ԱՐՄԱՎԻՐԻ մարզային ԲՆՆՅԱԿԱՆ վարչությունում իրականացված ԲՆՆՅԱԿԱՆ և վարուքային գործողությունների արդյունքում դարգվել են Արմավիրի մարզի Նալբանդյան գյուղի 45-ամյա բնակչի կողմից իր կնոջ ծնողների սպանության դեպքի բոլոր հանգամանքները: Նախաքննությունն ավարտվել է:

Քննությամբ ձեռք բերված փաստական տվյալներով հիմնավորվել է, որ 45-ամյա հիշյալ տղամարդը, իմանալով, որ կնոջ եղբայրը՝ Նույն գյուղի 41-ամյա բնակիչը, իր հասցեին վիրավորական արտահայտություններ է հնչեցրել, 2022թ. ապրիլի 21-ին՝ ժամը 23:30-ից 00:00-ի սահմաններում, իր ավտոմեքենայով գնացել է Նույն գյուղում գտնվող՝ կնոջ ծնողների տան մոտ: Կնոջ հայրը դուրս է եկել տանից, վիճաբանել նրա հետ, հայտնաբերել հնչեցրել է ձեռքով ու քարերով հարվածել վերջինիս ավտոմեքենային:

Լսելով վիճաբանության ծայրերը՝ տանից դուրս են եկել նաև 45-ամյա տղամարդու կնոջ մայրն ու եղբայրը: Այդ ընթացքում տղամարդը նախապես իր հետ վերցրած, իր անվամբ հաշվառված «ՄՈ-155» մոդելի, 12 տրամաչափի որսորդական ողորկափող հրացանը ավտոմեքենայում լիցքավորել է 5 փամփուշտով և հիշյալ անձանց ապօրինաբար կյանքից զրկելու դիտավորությամբ 5 կրակոց է արձակել սկզբից կնոջ հոր, այնուհետև՝ մոր և եղբոր ուղղությամբ: Դրա հետևանքով ստացած՝ կյանքի հետ անհամատեղելի մարմնական վնասվածքներից կնոջ հայրը տեղում մահացել է, մայրը տեղափոխվել է «Արմավիր» բժշկական կենտրոն, որտեղ ապրիլի 23-ին՝ ժամը 04:10-ի սահմաններում, մահացել է: Կնոջ եղբոր սպանությունը, իր կամքից անկախ հանգամանքներով, չի իրագործվել, քանի որ վերջինս գտնվել է տան դարպասների դիմաց կայանած «Գազել» մակնիշի ավտոմեքենայի հետնամասում և ստացել առողջության թերթե վնասի



հատկանիշներ չպարունակող վնասվածքներ:

Ձեռք բերված բավարար փաստերի հիման վրա՝ 45-ամյա տղամարդուն վերջնական մեղադրանք է ներկայացվել՝ ՀՀ Նախկին քրեական օրենսգրքի 104-րդ հոդվածի 2-րդ մասի 1-ին կետով: Նրա

նկատմամբ որպես խափանման միջոց է կիրառվել կալանավորումը:

Նախաքննությունն ավարտվել է: Քրեական վարույթի կյուրթերն ուղարկվել են հսկող դատախազին՝ մեղադրական եզրակացությունը հաստատելու և գործը դատարան ուղարկելու միջնորդությամբ:

ԼՈՒՐԵՐ

ԵՐԿԱԹԻ ԳՈՂՈՒԹՅՈՒՆ

Ապրիլի 2-ին՝ ժամը 4:50-ին, Երեւանի պարեկները Բոյուտովի փողոցում, գողության փորձ կատարելու հիմնավոր կասկածանքով, ձերբակալել են ոստիկանության Կենտրոնական բաժին են տեղափոխել Արմավիրի մարզի Զարթոնք գյուղի բնակիչ երեք տղամարդու՝ իրենց վարած «Ֆորդ Տրանզիտ» և «Նիսան Տիդա» մակնիշի մեքենաներով: Հիմնավոր կասկածն այն էր, որ նրանք փորձում էին շինարարական տարածքից գողանալ երկաթյա ամրաններ, ինչը նկատելով՝ պարեկները միջամտել ու բռնել էին նրանց:

Մեքենաները տեղափոխվել են բաժնի պահպանվող հատուկ տարածք, իսկ 43-ամյա, 32-ամյա և 35-ամյա զարթոնքի տղամարդիկ և կազմված փաստաթղթերը ներկայացվել են քննչական բաժին: Նախաձեռնվել է քրեական վարույթ: Հետագա միջոցառումներով պարզվել է, որ նրանք Նախկինում եւս նման գողություններ և գողության փորձեր են արել:

Մասնավորապես, անցած տարվա նոյեմբերի 28-ին փորձել են ամրաններ գողանալ մայրաքաղաքի Արշակունյաց պողոտայի մի շինարարական, սակայն, իրենց կամքից անկախ, հանցագործությունն ավարտին չեն հասցրել: Հաջորդ երեք դեպքերում՝ դեկտեմբերի 1-ին, այս տարվա հունվարի 25-ին ու մարտի 3-ին՝ միջոց առավույան ժամը 6-ի սահմաններում, Նույն շինարարական կից գողացել են ամրաններ:

Ձեռնարկվում են միջոցառումներ՝ գողնող հատնաբերելու ուղղությամբ: Նախաքննությամբ հանգամանքները պարզվում են:

ՏՈՒՆԸ ԱՅՐՎԵԼ Է

Ապրիլի 5-ին՝ ժամը 02:49-ին, Ճգնաժամային կառավարման ազգային կենտրոն ահազանգ է ստացվել, որ Իրդեհ է բռնկվել Երեւանի Մեքարեցի Սաքոյի փողոցի տներից մեկի տանիքում:

ՆԳՆ փրկարար ծառայությունից հայտնում են, որ դեպքի վայր է մեկնել ՆԳՆ ՓՇ Երեւան քաղաքի փրկարարական վարչության հրշեջ-փրկարարական ջոկատից երկու մարտական հաշվարկ:

Պարզվել է, որ այրվում է երկհարկանի տուն:

Հայտարարվել է հրդեհի բարդության «1 ԲԻՍ» կանչ: դեպքի վայր են մեկնել ԱԻՆ ՓՇ Երեւան քաղաքի փրկարարական վարչության հրշեջ-փրկարարական ջոկատներից երկու մարտական հաշվարկ, Ճգնաժամային կառավարման ազգային կենտրոնի օպերատիվ խումբը, Հրդեհաշիջման և փրկարարական աշխատանքների կազմակերպման բաժնի և Բժշկական ապահովման վարչության հերթապահ խմբերը:

Հրդեհը մեկուսացվել է ժամը 04:23-ին, մարվել՝ 04:33-ին: Այրվել են երկհարկանի տունը (մոտ 70 քմ, ջրնակեցված) և կից տան բաց պատշգամբի տանիքի փայտե կառուցատարրերից մոտ 2 քմ հատված:

ԼՈՒՐԵՐ

ԱՐԱԶԱՆԳԵՐ

Ապրիլի 5-ին՝ ժամը 00:53-ին, ՆԳՆ ոստիկանության օպերատիվ կառավարման կենտրոն զանգած քաղաքացին հայտնել էր, որ Վրացական փողոցի եւ Կոմիտասի պողոտայի խաչմերուկում լսվում են վիճաբանության եւ հայտնաբերված ծայրեր:

Ժամը 01:00-ին օպերատիվ կառավարման կենտրոն վիճաբանության մասին հաջորդ զանգը հնչեց, իսկ ժամը 01:35-ին հիվանդանոցից ահազանգ ստացվեց. մարմնի տարբեր հատվածներում կտրած-ծակած վերքերով բյուրեղավանցի 32-ամյա երիտասարդ էր բուժօգնության տեղափոխվել:

Ոստիկանության Արաբկիրի բաժնի քրեական հետախույզների և ՊՇ Երեւան քաղաքի ծառայողների համատեղ ձեռնարկած օպերատիվ-հետախույզական միջոցառումների արդյունքում Նաիրի Զարյան փողոցի հասցեներից մեկի մոտ հայտնաբերվել, խուլիգանության, գողության և սառը զենք կրելու հիմնավոր կասկածանքով ձերբակալվել և ոստիկանության Արաբկիրի բաժնի են տեղափոխվել 32 և 29 տարեկան երկու երիտասարդ:

32-ամյա երիտասարդի անձնական խուզարկությամբ հայտնաբերվել է գաղտնի փակակնով ծալովի դանակ՝ 18 սմ ընդհանուր երկարությամբ, շեղի երկարությունը՝ 8 սմ: 29-ամյա երիտասարդի անձնական խուզարկությամբ նույնպես հայտնաբերվել է գաղտնի փակակնով ծալովի դանակ՝ 16 սմ ընդհանուր երկարությամբ, շեղի երկարությունը՝ 7 սմ:

Օպերատիվ-հետախույզական միջոցառումների արդյունքում պարզվել է, որ ապրիլի 5-ի ժամը 00:20-ի սահմաններում անձնական հարցերի շուրջ վիճաբանել են բյուրեղավանցի եւ Երեւանի մի խումբ երիտասարդներ, որի ընթացքում վնասել են բյուրեղավանցիներից մեկի «Պեժո» մակնիշի մեքենան, ապա կտրող-ծակող առարկաներով ու մահակով հարվածներ են հասցրել բյուրեղավանցի երկու երիտասարդների՝ պատճառելով մարմնական վնասվածքներ:

Երեւանցի երեք երիտասարդները և կազմված փաստաթղթերը ներկայացվել են Արաբկիր վարչական շրջանի քննչական բաժնի: Ձեռնարկվում են միջոցառումներ՝ մյուս մասնակիցներին հայտնաբերելու ուղղությամբ:

ԿԱ 1 ԶՈՂ ԵՎ 1 ՎԻՐԱՎՈՐ

Արգածոտնի մարզում երեկ՝ ապրիլի 5-ին, խոշոր ու ողբերգական ավտովթար է տեղի ունեցել:

Ժամը 11:00-ի սահմաններում Աշտարակ-Ապարան ավտոճանապարհի 4-րդ կմ հատվածում՝ Կարբի գյուղի վարչական տարածքում, բախվել են Mercedes մակնիշի ավտոմեքենան և Iveco մակնիշի բեռնատարը:

Վթարի հետեւանքով 1 հոգի տեղում մահացել է:

Օպերատիվորեն ժամանել են նաև «Աշտարակ» բժշկական կենտրոնի բժիշկների հերթապահ խումբը, որը բեռնատարի վարորդին նախ տեղում առաջին բուժօգնությունն են ցուցաբերել, ապա տեղափոխել են «Աշտարակ» բժշկական կենտրոն:

Վթարի փաստով Արագածոտնի մարզային քննչական վարչությունում նախաձեռնվել է քրեական վարույթ:

Ոստիկանությունն ու քննչական վարչությունը պարզում են վարորդների և մահացածի ինքնությունը:

● Ըստ ոստիկանության տվյալների՝ ապրիլի 4-ից 5-ը Հայաստանի Հանրապետությունում բացահայտվել է հանցագործության 68 դեպք, որոնցից 1-ը՝ նախկինում կատարված:

ՀԱՍԱՐԱԿՈՒԹՅՈՒՆ

ՄԱՐԶ

ՄԱՐԶԴԵՏԱՐԱՆԻ ՊԱՐԶԱԲԱՆՈՒՄԸ

Տավուշի մարզպետ Հայկ Ղալումյանին տեղեկատվական հարցում են ուղարկել նրան հարցադրում անելով, որ, ըստ կառավարության հաստատած չափորոշիչի, բժշկական շտապ օգնության բրիգադների ձեւավորումն իրականացվում է յուրաքանչյուր 20 հազար բնակչին մեկ բրիգադ սկզբունքով, Նոյեմբերյանի, Իջեանի, Դիլիջանի, Բերդի բժշկական կենտրոններից յուրաքանչյուրում միաժամանակ շտապ օգնության ջանի բրիգադ է արդյոք գործում: Մարզպետարանից ստացված գրավոր պատասխանում նշված է. «Իջեանի, Նոյեմբերյանի, Բերդի եւ Դիլիջանի «ԻՌ-ՎԳ» բժշկական կենտրոններից յուրաքանչյուրում գործում է շտապ օգնության 1 բրիգադ: Հիվանդի՝ Երեւան տեղափոխումը իրականացվում է բժշկական կենտրոններում առկա ռեանիմացիոններով: Բացի 4 բժշկական կենտրոններում գործող շտապ օգնության կայաններից, որոշ գյուղական բժշկական ամբուլատորիաների կամ առողջության կենտրոնների ենթակայության սանիտարական տրանսպորտով (որը կահավորված է անհրաժեշտ սարքավորումներով եւ դեղորայքով) իրականացվում է նաեւ «Ձնտանեկան բժշկի կանչ աշխատանքից դուրս» ծրագիրը: Տեղեկացնեն նաեւ, որ մարզի բժշկական կենտրոնների կազմում գործող 4 շտապ օգնության ծառայությունները գործում են 50 տոկոս ծանրաբեռնվածությամբ»:

Խաղաղաշտեր՝ առանց ցանկապատի 2019 թվականին Հայաստանի ֆուտբոլի ֆեդերացիան Իջեան խոշոր համայնքի տարածքում կառուցել է միևնույնի 6 խաղաղաշտ, սակայն դրանք չի ցանկապատել: Իջեանի համայնքի ավագանին որոշել է Իջեան համայնքի 2023 թվականի բյուջեի մի հոդվածից այլ հոդվածի փոխանցել 19 միլիոն 200 հազար դրամ, որը կծախսվի 6 միևնույնի խաղաղաշտերը ցանկապատելու նպատակով (յուրաքանչյուր խաղաղաշտը ցանկապատելու համար՝ 3 միլիոն 200 հազար դրամ): Հարց է ծագում 2019 թվականին, երբ Հայաստանի ֆուտբոլի ֆեդերացիան կառուցում էր միևնույնի 6 խաղաղաշտերը, Իջեանի համայնքապետարանը ինչու՞ չհրահանգեց ցանկապատել դրանց շուրջ ցանկապատել, անցած 4 տարում այդ միևնույնի խաղաղաշտերը ինչպե՞ս են պաշտպանվել Իջեանում թափառող ընտանի անասուններից, դեզերող, անտեր շներից:

ՓՈԽԱՆՑՎԵՑԻՆ ՈՒՇԱՑՈՒՄՈՎ


Տավուշի մարզի հանրակրթական դպրոցների աշխատողները դժգոհում էին, որ 2023 թվականի առաջին 3 ամիսների համար իրենց սոցիալական փաթեթների գումարները պետական բյուջեից չեն փոխանցվել: Այդ խնդիրը գոյություն ուներ նաեւ քաղաքացիական ծառայողների պարագայում: Տեղեկացա, որ մի քանի օր առաջ Տավուշի մարզի հանրակրթական դպրոցների աշխատողների, մարզի քաղաքացիական ծառայողների սոցիալական փաթեթները գումարները՝ նախատեսված 2023 թվականի հունվար, փոխանցվել են:

ՈՍԿԱՆ ՍԱՐԳՅԱՆ Տավուշ

ԳՈՐԻՍ-ՍՏԵՓԱՆԱԿԵՐՏ

ԻՆՉ Է ԿԱՏԱՐՎԵԼ ՃԱՆԱՊԱՐՀԻՆ

Չնայած վերադարձի վերաբերյալ նախնական ձեռք բերված դայմանավորվածությանը՝ Շուշիի հատվածում Գորիս-Ստեփանակերտ մայրուղու արգելափակված մասում, «Էկոակտիվիս» ձեւացող արդեջանական կառավարական գործակալները արգելափակել են քաղաքացիական անձանց սեղափոխող ռուսական խաղաղադատի ուժերի մեքենաների անցումը: Այս մասին իր ֆեյսբուքյան էջում գրել է Արցախի ՄԻՊ Քեղամ Ստեփանյանը՝ մանրամասներ հայտնելով ֆիշ առաջ սեղի ունեցած միջադեպից, երբ արդեջանցիներն արգելել են խաղաղադատի ուժեկցությանը 27 արցախցիների մուսֆն Արցախ:



«Մի քանի ամիս ընտանիքներից բաժանված թվով 27 քաղաքացիական անձինք, այդ թվում՝ տարեցներ, երեխաներ եւ հաշմանդամություն ունեցող անձինք, ռուսական կողմի հետ ձեռք բերված համաձայնությամբ եւ ռուսական խաղաղապահների ուղեկցությամբ, ապրիլի 4-ին՝ ժամը 15:30-ի սահմաններում, Հայաստանի Հանրապետության Գորիս քաղաքից ուղեւորվել են դեպի Ստեփանակերտ:

Չնայած վերադարձի վերաբերյալ նախնական ձեռք բերված պայմանավորվածությանը՝ Շուշիի հատվածում Գորիս-Ստեփանակերտ մայրուղու արգելափակված մասում, «Էկոակտիվիստ» ձեւացող արդեջանական կառավարական գործակալները արգելափակել են քաղաքացիական անձանց տեղափոխող ռուսական խաղաղապահ ուժերի մեքենաների անցումը: Դրա հետեւանքով քաղաքացիները այդ հատվածում են մնացել շուրջ 5 ժամ: Ռուսական կողմի եւ արդեջանցիների միջեւ անարդյունք բանակցություններից հետո մեքենաները այժմ վերադառնում են Գորիս:

Ըստ տեղեկությունների՝ որոշ արդեջանցիներ նույնիսկ ներխուժել են սպասող մեքենաներից մեկը: Սպասման ու բանակցությունների ընթացքում քաղաքացիական անձանցից 4-ի ինքնազագոյությունը վատացել է, նրանցից 3-ը ուշաթափվել են: Ռուսական խաղաղապահների ուղեկցությամբ նրանք տեղափոխվել են Ստեփանակերտի հանրապետական բժշկական կենտրոն: Մյուս քաղաքացիական անձինք՝ թվով 23 հոգի, հետ են վերադառնում Գորիս:

114 օր շարունակվող շրջափակման առաջին օրից արդեջանական կողմը

տարբեր հարթակներում հայտարարում է, որ ճանապարհը բաց է քաղաքացիական անձանց եւ բեռների փոխադրման համար՝ ուղիղ կասկածի տակ դնելով ոչ միայն հայկական կողմի հիմնավոր պնդումները, այլ նաեւ միջազգային բազմաթիվ դերակատարների դիրքորոշումներն ու հայտարարությունները, ՄԱԿ-ի Արդարադատության միջազգային դատարանի 2023 թվականի փետրվարի 22-ի որոշմամբ արձանագրված իրողությունը:

Գրանցված դեպքը հավելյալ անգամ ապացուցում է արդեջանական ղեկավարության կեղծ եւ շինծու պնդումների ողջ էությունը, միջազգային հանրությանը ակնհայտ եւ անթաքույց ստելու եւ մոլորեցնելու գործելաոճը:

Ավելին՝ տարբեր ձեւերով թույլ տալով Արցախից մարդկանց ելքը, բայց արգելելով մուտքը՝ արդեջանական իշխանությունները բացահայտորեն իրականացնում են էթնիկ զտման քաղաքականություն, ինչպես հերթական անգամ խոստովանել էր Իլիամ Ալիեւը հունվարի 10-ի հայտարարությամբ:

«Կարող եմ ակնհայտ է, որ արդեջանական կողմի լկտի պահվածքի, միջազգային հանրության կոչերի եւ Արդարադատության միջազգային դատարանի որոշման չկատարելու միակ պատճառը ստեղծված ամենաթողությունն է, խաղաղապահ առաքելության նկատմամբ ցուցաբերվող արհամարհանքն ու միջազգային շահագրգիռ բոլոր դերակատարների կողմից հասցեական ու գործնական պատժիչ գործողությունների բացակայությունը:

Այս պահին Գորիս քաղաքում եւ ՀՀ այլ բնակավայրերում հարյուրավոր քաղաքացիական անձինք ուղղակի գրկված են իրենց ընտանիքներին վերամիավորվելու հնարավորությունից: Արդեջանական կողմը, օգտվելով ամենաթողության մթնոլորտից, այս հարցով չի համագործակցում ոչ մի խաղաղապահների, ոչ Կարմիր խաչի միջազգային կոմիտեի, ոչ էլ այլ միջազգային կառույցների հետ»,- գրել է նա:

ԼՈՒՐԵՐ

ՀԱՅՏՆԱԲԵՐԵԼ ԵՆ ԳԵՂԱՐԱԲԵՐ

Ոստիկանության Արաբկիրի բաժնի քրեական հետախույզները ձեռնարկած օպերատիվ-հետախույզական միջոցառումների շնորհիվ ապրիլի 4-ին՝ ժամը 04:00-ին, Մամիկոնյանց փողոցում հայտնաբերել, ապօրինի հրազեն ու սառը զենք պահելու եւ կրելու հիմնավոր կասկածանքով ձերբակալել եւ բաժին են տեղափոխել 23 եւ 21 տարեկան օտարերկրյա երկու քաղաքացիների:

Անձնական խուզարկությամբ 23-ամյա երիտասարդի մոտ հայտնաբերվել են ատրճանակ եւ բարդ փականով ծալովի դանակ, իսկ 21-ամյա երիտասարդի անձնական խուզարկությամբ հայտնաբերվել

են 30 դեղահաբ եւ բարդ փականով դանակ: Երիտասարդները եւ կազմված փաստաթղթերը ներկայացվել են նախաքննական մարմին:

ԿԱՐՈՂ ԵՆ ԶԲԿՎԵԼ ԶԱՂԱԲԱՑԻՈՒԹՅՈՒՆԻՑ

Ռուսաստանի ՆԳՆ-ն սատարել է «Քաղաքացիության մասին» օրինագծի փոփոխությանը, որը նախատեսում է ձեռք բերված քաղաքացիությունից զրկում ազգային անվտանգության սպառնալիքի դեպքում: Այս մասին Պետդրամայի կոմիտեի նիստում հայտարարել է ՌԴ ՆԳՆ Միգրացիայի հարցերով գլխավոր վարչության

ղեկավար Վալենտինա Կազակովան. հարդորում է ՌԻԱ Նովոստին:

Նրա խոսքով՝ փոփոխությունը համաձայնեցված է նախագահի աշխատակազմի եւ Անվտանգության դաշնային ծառայության հետ:

Կազակովան հիշեցրել է, որ քաղաքացիությունը ստանալու դեպքում երդում է տրվում, մարդը պարտավորվում է հետեւել օրենսդրությանը, սիրել Ռուսաստանը, ինչպես նաեւ խոստանում է սպառնալիք չստեղծել ազգային անվտանգության համար:

ՆԳՆ ներկայացուցիչն ընդգծել է, որ պետությունն իրավունք ունի ինչպես տալու Ռուսաստանի քաղաքացիություն, այնպես էլ զրկելու դրանից: Քաղաքացին իրավունք կունենա բողոքարկել դատարանում որոշումը:

● Անցած 1 օրվա ընթացքում Հայաստանի Հանրապետությունում արձանագրվել է 11 ՃՏՊ. 13 մարդ ստացել է տարբեր աստիճանի մարմնական վնասվածքներ:

ՍՈՑԻԱԼԱԿԱՆ

ՀԵՐԹԱԿԱՆ ՆԻՍՏ

ԿՍԱՐՄԱՆՎԻ ՆԵՐՊԵՏԱԿԱՆ ԿԱՌՈՒՑԱԿԱՐԳ

Մարդու իրավունքների եվրոպական դատարանի խորհրդատվական կարծիք ստանալու համար դիմումի ներկայացման ներպետական ամբողջ կառուցվածքը սահմանելու նպատակով Կառավարությունն առաջարկել է լրացում կատարել «Սահմանադրական դատարանի մասին» Հայաստանի Հանրապետության սահմանադրական օրենքում, ինչպես նաև Վարչական դատավարության, Քաղաքացիական դատավարության եւ Քրեական դատավարության օրենսգրքերում: Օրենսդրական փաթեթը քննարկվել է ԱԺ պետական-իրավական հարցերի մշտական հանձնաժողովի ապրիլի 5-ի հերթական նիստում:

ԱԺ մամուլի ծառայության փոխանցմամբ՝ ՀՀ արդարադատության նախարարի տեղակալ Արմենուհի Հարությունյանը տեղեկացրել է, որ Մարդու իրավունքների եվրոպական կոնվենցիայի 16-րդ արձանագրությունը հնարավորություն է տալիս պետության բարձրագույն դատական աստիճաններին խորհրդատվական կարծիք ստանալու համար դիմել Մարդու իրավունքների եվրոպական դատարան: Ըստ փոխնախարարի՝ չնայած որ Հայաստանն այդ հնարավորությունից օգտվելու փորձառություն ունեցել է, այդուհանդերձ օրենսդրության մեջ համապատասխան ընթացակարգեր նախատեսված չեն: Հանձնաժողովի քննարկմանը ներկայացված օրենսդրական փաթեթով առաջարկվում է նախատեսել Սահմանադրական դատարանի եւ Վճռաբեկ դատարանի կողմից խորհրդատվական կարծիք ստանալու համար Մարդու իրավունքների եվրոպական դատարանին դիմելու ընթացակարգային կանոնները: Առաջարկվում է սահմանել անհրաժեշտ փաստաթղթերի ցանկը, դատավորի կողմից խորհրդատվական կարծիք ստանալու առաջարկություններ կայացնելու հնարավորության, խորհրդատվական կարծիք ստանալու խնդրանքին ներկայացվող պահանջներն ու փոխգործակցությունն ապահովող անձի վերաբերյալ կարգավորումները:

Պատասխանելով պատգամավորների հարցերին՝ փոխնախարարը տեղեկացրել է, որ մինչև այսօր ՄԻԵԴ-ը երկու խորհրդատվական կարծիք է տրամադրել՝ առաջինը՝ 2022 թվականի մայիսի 29-ին՝ Սահմանադրական դատարանի, մյուսը՝ 2022 թվականի ապրիլի 26-ին՝ Վճռաբեկ դատարանի դիմումի հիման վրա: Անդրադառնալով ՄԻԵԴ դիմելու կարգին վերաբերող հարցին՝ Արմենուհի Հարությունյանը նշել է, որ խորհրդատվական կարծիք ստանալու առաջարկությամբ, ըստ ներկայացված նախագծի, կարող է դիմել յուրաքանչյուր դատավոր, ինչի վերաբերյալ Վճռաբեկ դատարանը պետք է կայացնի որոշում:

Հանձնաժողովը դրական եզրակացություն է տվել առաջին ընթերցմամբ քննարկված օրենսդրական փաթեթին:

ԱՆՎԱՆԱՓՈԽՈՒԹՅՈՒՆ

ԹՈՒՐԻՔԻԱՅԻ ՓԵՏՈՒՐՆԵՐԸ ԾԱՎՈՒՄ ԵՆ

Իսրայելում Թուրքիայի դեսպանը բողոքել է Հայֆայում հրադարակներից մեկը Հայոց ցեղասպանության զոհերի հիշատակին անվանակոչելու դեմ: Իսրայելի հյուսիսային բաղաբը, որտեղ ապրում են բազմաթիվ էթնիկ հայեր, երկրի առաջին համայնքն է, որն այսօր կերտ ճանաչում է Առաջին համաշխարհային դաժնագործի վայրագությունները: Անվանափոխությունն ուժի մեջ է մտել մարտի 20-ից:

«Նախաձեռնությունը սպառնում է վատթարացնել կապերը, որոնք Իսրայելի եւ Թուրքիայի ժողովուրդներն ու կառավարությունները ցանկանում են բարելավել»,- գրել է Շաքիր Օզքան Թորունլարը Հայֆայի քաղաքապետ Էլնաթ Կալիշ-Ռոտեմին ուղղված նամակում:

Պարբերական ակնարկում է, որ մոտենում է ապրիլի 24-ը՝ Հայոց ցեղասպանության տարելիցը, եւ Թորունլարի բողոքը հիշեցնում է, թե Թուրքիան՝ որպես մուսուլմանական մեծամասնություն ունեցող պետություն, որքան զգայուն է խնդրի նկատմամբ Իսրայելի հետ առանց այն էլ բարդ հարաբերություններում: Իսրայելում Հոլոքոստի պատճառով շատերը ապրում են հայկական փորձությանը:

Թորունլարն իր նամակում քաղաքապետից պահանջել է չեղարկել հրապարակի անվանակոչմամբ Տեղասպանությունը ոգևորչելու որոշումը եւ կրկնել է Թուրքիայի մեթոդական դիրքորոշումը՝ նշելով, որ «նման ցեղասպանություն թուրք ազգի պատմության մեջ երբեք չի եղել»:

Իսրայելի մեծությամբ երրորդ քաղաք Հայֆայում բնակվում է երկրի 15 000 էթնիկ հայերի գրեթե կեսը, եւ քաղաքի Բեն Գուրիոնի պողոտայի երկայնքով Հայոց ցեղասպանության հրապարակի բացումը



երկրորդ դեպքն է, երբ Իսրայելի տեղական իշխանությունն ընդունում է վայրագությունները: 2020 թվականին Թել Ավիվի մերձակայքում գտնվող Պետահ Տիկվայում բացվեց զոհերի հուշարձանը, որը հետագայում անվանվեց Շառլ Ազնավուրի անվան զբոսայգու:

Հայֆայի քաղաքապետարանի գլխավոր խոսնակ Էլիրան Թալն անվանակոչումը համարել է կառավարության համար օրինակ, որին պետք է հետեւել: «Մեզ մնում է միայն հուսալ, որ Իսրայելի Պետությունը կճանաչի Օսմանյան կայսրության կողմից իրականացված ցեղասպանությունը, որը խլեց 1,5 միլիոն հայերի կյանքը»,- գրել է նա: Թուրք դիվանագետները, հավելել է նա, «շատ են աշխատել, որպեսզի ճնշում գործադրեն»՝ քաղաքի վրա՝ հրաժարվելու ծրագրից»:

Պարբերականը նկատել է նաև, որ վերջին տարիներին ճանաչման Նոր խոչընդոտ է ի հայտ եկել՝ Իսրայելի կապերի խորացումն Ադրբեյջանի հետ՝ նախքան հարուստ երկիր, որն ամուր կապեր ունի Թուրքիայի հետ եւ սահմանակից է Իրանին:

Team Telecom Armenia

PUBG Mobile-ի ՀԱՅԱՍՏԱՆԻ ԳԱՎԱԹԻ ԱՌԱՋՆՈՒԹՅՈՒՆ

Ավարտվեց PUBG Mobile-ի Հայաստանի գավաթի առաջնությունը. հաղթող թիմը կմասնակցի որակավորումների սարածաբանային փուլին:

PUBG Mobile գավաթ 2023-ն իրականացվել է Team Telecom Armenia-ի, Հայաստանի կիբեռսպորտի ֆեդերացիայի եւ ArLeAM ընկերությունների համագործակցությամբ:

Երկու օր տևած որակավորման առցանց փուլին մասնակցել են 30 թիմեր, որոնցից միայն 16-ին է հաջողվել հասնել եզրափակիչ փուլ: Եզրափակիչ փուլը տեղի ունեցավ Team Telecom Armenia-ում օֆլայն ձևաչափով: Մի քանի ժամ տևած համառ պայքարի արդյունքում հաղթող ճանաչվեց BX Brothers-ը՝ ստանալով տարածաշրջանային, իսկ հաջորդելու դեպքում՝ նաև Ռումինիայի Յաշի քաղաքում անցկացվելիք World Esports Championship 2023-ին մասնակցելու հնարավորություն:

«PUBG Mobile-ը Հայաստանում ամենամեծ տարածում է ճանաչում ունեցող խաղերից է: Այս մրցաշարը Կիբեռսպորտի ֆեդերացիան անցկացնում է արդեն երկրորդ անգամ, եւ օրեցօր զգում ենք մեծ հետաքրքրվածություն: Մենք ցանկանում ենք օգնել հնարավորինս մեծ թվով հայ կիբեռսպորտիստների հանդես գալ ու կառուցել իրենց ապագան կիբեռսպորտի համաշխարհային հարթակներում»,- ամփոփելով գարնանային մրցաշարի արդյունքները՝ նշեց Հայաստանի կիբեռսպորտի ֆեդերացիայի նախագահ Սմբատ Սիրադեղյանը:



Մրցույթի օրը որոշվեց նաև մրցաշարի լավագույն խաղացողը, որին Team Telecom Armenia-ն նվիրեց առցանց խաղերի չափանիշներին համապատասխան սմարթ հեռախոս, իսկ հաղթող թիմի բոլոր անդամներին՝ Cosmo փաթեթի մեկ տարվա անվճար բաժանորդագրություն:

«Առցանց խաղերը ինտերնետի համար ամենաբարդ քննությունն են, քանի որ դրա անգամ ամենաչնչին տատանումը կարող է ազդել խաղի արդյունքի վրա: Որպես թիմային խաղերին աջակցող ու Հայաստանում 25 Գբ/վ թողունակությամբ ինտերնետ ցանց ունեցող միակ ընկերություն՝ մենք որոշեցինք PUBG Mobile-ի գավաթի եզրափակիչն անցկացնել մեզ մոտ՝ ապահովելով ինտերնետի հասանելիության հավասար հնարավորություն բոլոր թիմերի համար: Կարծում եմ՝ այսպիսի մրցաշարերի անցկացումը կնպաստի հայկական թիմերի ուժեղացմանը եւ միջազգային խաղային հարթակներում առաջխաղացմանը»,- եզրափակեց ընկերության տնօրեն Հայկ Եսալյանը:

Team Telecom Armenia-ն ՀՀ տարածքում տրամադրում է ինտերնետի, թվային հեռուստատեսության, բջջային եւ ֆիքսված հեռախոսակապի ծառայություններ: 2021 թվականից ընկերությունը սկսել է տարածաշրջանում եզակի՝ 25 Գբ/վ արագությամբ 25G-PON տեխնոլոգիայով NGN (Next Generation Network) ցանցի կառուցումը: Առաջիկայում այս ցանցին կմիացվեն Հայաստանի ողջ տարածքում գործող բջջային կայանները, ինչի շնորհիվ զգալիորեն կբարելավվի նաև շարժական կապի որակը:

«Ժողովուրդ» օրաթերթում եւ Armlur.am կայքում գովազդ, հայտարարություն, հաշվետվություն, ծանուցում տեղադրելու համար գանգահարել 094-455-456 հեռախոսահամարով:

ՀՐԱՊԱՐԱԿՎԵԼ Է

ԵՋԱԿԻ ԶԱՅՆԱԳՐՈՒԹՅՈՒՆ՝ The Beatles-ԻՑ

The Beatles խմբի համերգի ամենավաղ ամբողջական ձայնագրությունը, որը 60 տարվա վաղեմություն ունի, հրատարակվել է Մեծ Բրիտանիայում BBC հեռուստառադիոհաղորդումների կորորացիայի կողմից: Ձայնագրությունն արվել է 15-ամյա առաջին Ջոն Բլումֆիլդի կողմից 1963 թվականի ապրիլի 4-ին Բաֆինգեմեյթի կոմսոնթյան «Սթոու» մասնավոր գիտնական դորոցում մոտ խմբի ելույթի ժամանակ:



Ջոն Բլումֆիլդը ձայնագրությունն ուղարկել է BBC ռադիոկայանի Front Row հաղորդաշարին: Փոլ Մաքքարթնին, Ռինգո Սթարը, Ջոն Լենոնը և Ջորջ Հարիսոնը դարձան երկու դարձվածքի աշակերտ, ազդեցիկ գործարարների ընտանիքի անդամ Ռեյվոլդ Մուրսի խնայողությամբ, որը նամակ էր գրել Լիվերպոլյան քառյակի մենեջեր Բրայան Էփսթայնին: Բլումֆիլդը հայտնել է, որ ելույթը ձայնագրել է իր նոր մագնիսոֆոնով: «Այդ ժամանակ ես ակնթարթորեն հասունացա: Հավանաբար, կկարծեք, թե չափազանցում եմ, բայց այդ պահին ես հասկացա, որ դա բոլորովին մի այլ մոլորակից է», - ասել է Բլումֆիլդը BBC-ին:

կացարանում Բլումֆիլդի սենյակը: Ապրիլի 3-ին համերգի ձայնագրության մի մասը հնչել է BBC-ի ռադիոէթերում: Հիթ-շքերթներում առաջին տեղը զբաղեցրած երգերի թվով The Beatles-ը պատմական առաջատարն է ինչպես Մեծ Բրիտանիայում, այնպես էլ ԱՄՆ-ում: Խումբն արժանացել է «Գրեմմի»-ի 10 մրցանակի, իսկ Time ամսագիրը խմբի անդամներին ներառել է 20-րդ դարի ամենաազդեցիկ անձանց թվում: Rolling Stone հանդեսը The Beatles-ին հատկացրել է առաջին տեղը բոլոր ժամանակների մեծագույն կատարողների ցուցակում: Աշխարհում լիվերպոլյան քառյակի վաճառված ալբոմների կրկնորիսակների թիվը գերազանցել է 600 միլիոնը: Խումբը գոյություն է ունեցել 1960-ից մինչև 1970 թվականը, որից հետո դադարեցրել է գոյությունը, իսկ չորս երաժիշտներից յուրաքանչյուրը սկսել է սեփական կարիերան: Այժմ բիթլերից ողջ են Փոլ Մաքքարթնին և Ռինգո Սթարը: Ջոն Լենոնը վախճանվել է 1980 թվականին Նյու Յորքում մոլի երկրպագուի արձակած գնդակից, իսկ Ջորջ Հարիսոնը մահացել է 2001 թվականին՝ քաղցկեղի դեմ երկարատև պայքարից հետո:

ԼՈՒՐԵՐ

«ՇՐԵԿ»-Ը ՄԵՆԱԿՄԱՆ ՓՈՒԼՈՒՄ Է

«Շրեկ» անիմացիոն ֆիլմի հիմնադրող մասը մշակման փուլում է: Տեղեկությունը հաստատել է Illuzination կինոստուդիայի տնօրեն Քրիստոֆեր Մելեդանդրին, որը հանդես է գալիս որպես ժապավենի պրոդյուսեր: Մասնագետի խոսքով՝ հավանական է, որ սկզբնական դերասանական կազմը կվերադառնա աշխատանքի: Խոսքն առաջին հերթին գլխավոր հերոսներին հնչյունավորող Քեմերոն Դիասի, Մայք Մայերսի և Էդի Մերֆիի մասին է: «Բանակցություններն արդեն սկսվել են, և այս փուլում ամեն ինչ խոսում է այն մասին, որ մեր աստղերը մեծ ոգեւորություն են ցուցաբերում այս հնարավորության համար»,- հայտարարել է Մելեդանդրին: Շրեկի հնարավոր վերագործարկման մասին խոսակցությունները շրջանառվում են մի քանի տարի: Միեւնույն ժամանակ, մեկ այլ մուլտֆիլմի հաջողությունը՝ «Կոշկավոր կատու 2. Վերջին ցանկությունը», կարող է ստեղծողներին մղել գործողությունների: Վարձույթի ողջ ընթացքում այն վաստակել է մոտ 500 մլն դոլար:

ՌՈՄԱՆՏԻԿ ԶԲՈՍԱՆՔ

Սողել Քենդալ Ջեններին ու ռեփեր Bad Bunny-ին լուսանկարել են ձիերով ռոմանտիկ զբոսանքի ժամանակ: Անցած շաբաթավերջին 27-ամյա Քենդալ Ջեններին անցկացրել է 29-ամյա ռեփեր Bad Bunny-ի ընկերակցությամբ: Ջուլյադ հայտնվել է պապարացիների տեսախցիկների առջև Hidden Hills ձիասպորտի կենտրոնում զբոսնելիս: Նրանք միասին թամբել են մեկ ձի, մոդելը նստել է առջևի հատվածում և սելֆի արել, իսկ Նոր Բրոքսթոնը գրկել է նրան հետեւից և բռնեց սանձը: Քենդալը կրում էր սպիտակ կրոպ տոպ, ջինսեր և երկարաճիտներ: Սողելը կերպարը համարել է գլխարկի հետ, իսկ կոնքերին կապել է վանդակավոր վերնաշապիկ: Քենդալ Ջենների և ռեփեր Bad Bunny-ի սիրավեպի մասին առաջին անգամ հայտնի դարձավ 2023 թվականի մարտին, երբ նրանք միասին ներկա գտնվեցին Բեյլոստի և Ջեյ Ջիի կողմից կազմակերպված «Օսկար»-ի երեկոյթին:

ՆՈՐ ՆԱԽԱԳԻԾ

ՆՈՐ ՊՐԵՄԻԵՐԱՄ «ՀԱՐՄԱՆԵԿԱՆ Ping Pong»

«Հարսանեկան Ping Pong» ներկայացման հերոսներն են Գրիգը, Լարան, Մարան, Էվան և Ռոբը, որոնք հայտնվում են խճճված և զավեցալի իրավիճակում, ինչն էլ նրանց ստիպում է ստել միմյանց, սարքեր դնել խաղալ ճեմարանները կոծկելու համար: Ռեժիսոր Արտ Հարությունյանի բեմադրությամբ կասկերգության առաջնախաղը ժողովուրդի 4-ին Հ. Պարոնյանի անվան երաժշտական կոմեդիայի դեպարտամենտի թատրոնում: Նախագծի որոշյալները Տիգրան Վիրաբյանն ու Արման Միսոյանը վաղուց են համագործակցում և կարողանում են իրենց շուրջ համախմբել ժողովուրդավոր ստեղծագործողների:



Այն հարմարեցրել ու թարգմանել է Բաբկեն Զոբանյանը՝ բառամթերքով, խոսույթով ու կերպարներով հայկական դարձնելով: Պրոդյուսերը վստահ է՝ ներկայացումը երկար կյանք կունենա: Արդեն շրջագայելու առաջարկներ են ստացել: Ներկայացման մեջ խաղում են երիտասարդ ու ավյունով լի դերասաններ Լեւոն Հախվերդյանը, Գոռ Հակոբյանը, Իննա Խոջամիրյանը, Անի Խաչիկյանը, Մանե Մխչյանը:

ԿԸՆԴՈՒՆԻ ԱՌԱՋԱՐԿԸ

Աշխարհի ջեմախին Արգենտինայի հավաքականի և ֆրանսիայի ջեմախին ՊՍԺ-ի 35-ամյա հարձակվող Լիոնել Մեսսին կընդունի Սաուդյան Արաբիայի «Ալ Զիլյալի» առաջակրը. հաղորդում է TodoFichajes-ը, որի տվյալներով՝ ֆուտբոլիստն իր որոշման մասին արդեն հայտնել է ընտանիքի անդամներին և ընկերներին: «Ալ Զիլյալ»-ը ցանկանում է Մեսսիի հետ կնքել երեք տարվա պայմանագիր, որով ֆուտբոլիստի ընդհանուր եկամուտը կկազմի մոտ 1,2 միլիարդ եվրո: Մեսսիի պայմանագիրը ՊՍԺ-ի հետ կավարտվի հունիսին: Տղ նրա տրանսֆերային արժեքը գնահատում է 45 միլիոն եվրո: Մեսսին այս մրցաշրջանում ՊՍԺ-ի հետ մասնակցել է 33 հանդիպման, խփել է 18 գոլ, կատարել է 17 գոլային փոխանցում:

● Ապրիլի 6-ին Երեւանի պատանի հանդիսատեսի թատրոնում տեղի կունենա «Բրեմենյան երաժիշտները» ներկայացումը: Տոմսերի արժեքը՝ 1000 դրամ: Սկիզբը՝ ժամը 14:00-ին:



Էջը՝ ՈՂՋԱ ՊՈՂՈՍՅԱՆԻ

ՏՆՏԵՍԱԿԱՆ

**ՀԱՐՑ. Հեաբրիբ Է իմանալ, թե ինչով են դայմա-
նավորված ՀՀ դրամի փոխարժեքի սահմանումները:
Հայկուհի Պետրոսյան (39 տարեկան)**



ՊԱՏԱՍԽԱՆ. Քաղաքացու հարցին ի պատաս-
խան՝ հայտնում ենք, որ ազատ լողացող փոխարժեքի
ռեժիմի պայմաններում ազգային արժույթի փոխարժե-
քը ձեւավորվում է արժույթային շուկայում առկա առա-
ջարկի ու պահանջարկի եւ դրանց փոփոխությունների
ազդեցության ներքո: Եթե արտահանման աճի կամ
կապիտալի ներհոսքի հետեւանքով տվյալ ազգային
արժույթի շուկայում ավելանում է արտարժույթի առա-
ջարկը, ազգային արժույթի դիրքերն անհրաժեշտա-
բար ամրապնդվում են:

Համապատասխանաբար, ներմուծման աճը կամ կա-
պիտալի արտահոսքը նպաստում են ազգային արժույ-
թի դիրքերի թուլացմանը: Արժույթային շուկայում առ-
կա առաջարկն ու պահանջարկը կարող է փոփոխվել
նաեւ մի շարք այլ գործոնների ազդեցության ներքո,
որոնցից են, մասնավորապես, կառավարության ծախ-
սերը, Կենտրոնական բանկի ինտերվենցիաները, ար-
ժույթային կարգավորման ոլորտում օրենսդրական փո-
փոխությունները, էներգակիրների գների տատանում-
ները, բնակչության մոտ ձեւավորվող սպասումները:
Փոխարժեքի փոփոխությունը կարող է լինել բավակա-
նին տեսական, երբ այն պայմանավորված է երկարա-
ժամկետ բնույթի գործոններով (օրինակ՝ կայուն տնտե-
սական աճով պայմանավորված ազգային արժույթի
արժեքավորումը), կարող է կրել սեզոնային բնույթ
(երբ, օրինակ, ներմուծման ու արտահանման սեզոննե-
րը տարբեր են) եւ կարող է լինել կարճաժամկետ, երբ
այն կարճաժամկետ գործոնների (օրինակ՝ կարճա-
ժամկետ ֆինանսական ներհոսքի կամ արտահոսքի)
ազդեցության արդյունք է:

ՀՀ կենտրոնական բանկ

«ԺՈՂՎՈՒՐԳ». Նշենք, որ ՀՀ ԿԲ կողմից ար-
ժույթային շուկայում ձեւավորված դրամի միջին փո-
խարժեքը հրապարակվում է որպես հաշվարկային մի-
ավոր ՀՀ ԿԲ-ի համար եւ, ըստ ցանկության, կարող է
օգտագործվել ֆիզիկական եւ իրավաբանական ան-
ձանց կողմից:

ՍՈՑԻԱԼԱԿԱՆ

**ՀԱՐՑ. Խնդրում եմ ասել՝ ով իրավունք ունի դիմե-
լու եռամսյակային հրատապ օգնություն սահմալու
համար:**

Պերճուհի Հակոբյան (64 տարեկան)



ՊԱՏԱՍԽԱՆ. Պ. Հակոբյանի հարցին ի պատաս-
խան՝ տեղեկացնում ենք, որ եռամսյակային հրատապ
օգնության իրավունք ունի ընտանիքների անապահո-
վության գնահատման համակարգում հաշվառված
ընտանեկան կամ սոցիալական նպաստի իրավունք
չունեցող, անապահովության «0» միավորից բարձր
անապահովության միավոր ունեցող ընտանիքը անհե-
տաձգելի լուծում պահանջող կյանքի դժվարին իրա-
վիճակում (արտակարգ իրավիճակների եւ կարճատե-
ֆինանսական խնդիրներ ունենալու) հայտնվելու
դեպքում:

**ՀՀ աշխատանքի
եւ սոցիալական հարցերի նախարարություն**

«ԺՈՂՎՈՒՐԳ». Նշենք, որ եռամսյակային
հրատապ օգնությունը նշանակում է սոցիալական
աջակցություն տրամադրող տարածքային մարմինը՝
համակարգող խորհրդի առաջարկության հիման վրա:
Եռամսյակային հրատապ օգնությունը նշանակվում է
սոցիալական նպաստի չափով երեք ամիս ժամկետով:

ՏԵՂԵԿԱՅՎԱԾ

ԼՈՒՐ ԿԱԴՐ

Լուսանկարն արվել է Արթիկում



Շիրակի մարզում տեղի է ունեցել Արթիկի տարածքային
մանկավարժահոգեբանական աջակցության վերանոր-
ոգված կենտրոնի բացման արարողությունը: Կենտրոնը
վերանորոգվել է ՀՀ ԿԳՄՍ նախարարության եւ ԱՄՆ մի-
ջազգային զարգացման գործակալության համագոր-
ծակցությամբ՝ «Ներառական կրթության համակարգի
հզորացում Հայաստանում» ծրագրի շրջանակում:

ԲԱԺԱՆՈՐԴԱԳՐՈՒԹՅՈՒՆ

Մեր թերթը
Բաժանորդագրվելու
համար կարող եք դիմել

«Հայմամուլ» ՓԲԸ
հեռ. 45-82-00, 45-19-11

«Հայկոստ» ՊՓԲԸ
հեռ. 51-45-46, 51-45-47

«Բլից-Մեդիա» ՍՊԸ
հեռ. 52-5301

Առաքումը՝ **ԱՆՎՃԱՐ**:



Ձեզ հետաքրքրող ցանկացած հարցով կարող եք դիմել
«Ժողովուրդ» օրաթերթի խմբագրություն (010 54-64-23
հեռախոսահամարով), եւ մենք անպայման կանդրադառ-
նանք ձեր բարձրացրած բոլոր խնդիրներին:

ԱՌԱՋԱՐԿ
հայկական տպագիր մամուլից

«Ժողովուրդ» օրաթերթին բաժանորդագրվելու
համար կարող եք լրացնել հետևյալ բլանկը եւ
ուղարկել նշված հասցեով: Ամեն օր թերթը կհասնի
ձեր նախընտրելի վայր:

Բաժանորդագրության բլանկ

Անուն՝ _____
Ազգանուն՝ _____
Առաքման հասցե՝ _____
Բջջային եւ/կամ
քաղաքային հեռախոս՝ _____

Հեռ.՝ (060) 490049
0023, Արշակունյաց 2, 5-րդ հարկ, 518ս.

ԵՂԱՆԱԿԻ ՏԵՍՈՒԹՅՈՒՆ



☀	Շիրակ	+1 + 4 +9 + 13	☀	Արարատ	0 + 2 +10 + 12
☀	Կոտայքի լեռներ	+1 + 3 +9 + 11	☀	Արմավիր	+7 + 11 +18 + 21
☀	Կոտայքի նախալեռներ	+6 + 8 +14 + 16	☀	Վայոց ձորի լեռներ	9 + 13 +23 + 26
☀	Գեղարքունիք	0 + 4 +9 + 11	☀	Վայոց ձորի նախալեռներ	+3 + 6 +14 + 18
☀	Լոռի	+1 + 5 +12 + 14	☀	Սյունիքի հովիտներ	+8 + 9 +18 + 21
☀	Տավուշ	+4 + 9 +14 + 17	☀	Սյունիքի նախալեռներ	+4 + 7 +17 + 20
☀	Արագածոտնի լեռներ	+9 + 11 +20 + 22	☀	Արցախ	+8 + 11 +18 + 22
☀	Արագածոտնի նախալեռներ	+8 + 10 +19 + 21	☀	Երեւան	+8 + 10 +18 + 20

Լրատվական գործունեություն իրականացնող՝
«Ժողովուրդ թերթի խմբագրություն» ՍՊԸ
Հասցեն՝ ք. Երեւան, Աբովյան 22^ա/3, հեռ.՝ 010 54-64-23
Պետական գրանցման վկայականի համարը՝ 03Ա089086
տրված է 24.11.2010
Ստորագրված է տպագրության 5.04.2023

Գլխավոր խմբագիր՝
ՔՆԱՐ ՄԱՆՈՒԿՅԱՆ

Տպագրված է «ԳԻՆՂ» տպարան ՍՊԸ հրատարակչությունում
խմբագրություն հանձնված նյութերը չեն գրայնաչափում եւ
չեն վերադարձվում, Գ նշանով նյութերը գովազդային
հրապարակումներ են, որոնց համար խմբագրությունը
պատասխանատվություն չի կրում:

«Ժողովուրդ» օրաթերթում հրապարակված նյութերը արտատպելիս
կամ ընթացիկ մեջբերումներ անելիս պետք է պարտադիր գրառել
հետևյալ նախադասությունը. «Շարունակությունը կարող էք
կարդալ «Ժողովուրդ» օրաթերթի այսօրվա համարում»: